

## **Izmjene Statuta SDP BiH koje je utvrdila Radna grupa za Statut, imenovana na 31. sjednici Predsjedništva SDP BiH**

### **II ČLANSTVO**

#### **Poglavlje 4. - Prijem u članstvo, prava i obaveze člana SDP BiH**

##### **Član 13. stav 1. mijenja se i glasi:**

Članom SDP BiH može postati punoljetan građanin Bosne i Hercegovine koji dobrovoljno popuni i potpiše pristupnicu potvrđujući na taj način da prihvata Program i Statut SDP BiH, da nije član druge političke organizacije, stranke ili partije, na osnovu čega stiče pravo na upis u registar članstva SDP BiH.

##### **Član 14. mijenja se i glasi:**

Sekretar organizacije na svakoj sjednici opštinskog/gradskog odbora, upoznaje članice i članove organa sa podacima o novim članicama i članovima organizacije.

Prava i obaveze člana/ice SDP BiH stiču se upisom u registar članstva SDP BiH.

##### **Član 16. mijenja se i glasi:**

Izuzetno od odredbe člana 13. stav 1. o prijemu u članstvo SDP BiH osoba koje su bile članovi rukovodstva i organa drugih stranaka, odnosno izabrani vijećnici, odbornici ili zastupnici ili su bili isključeni iz SDP BiH, odluku donosi Predsjedništvo organizacije odgovarajućeg nivoa organizovanja SDP BiH.

Nakon donošenja odluke iz prethodnog stava član/ica se upisuje u registar članova SDP BiH.

##### **Član 17. stav 2. mijenja se i glasi:**

Članovima SDP BiH izdaje se članska karta nakon upisa u registar članstva SDP BiH.

##### **Član 24. briše se.**

##### **Član 27. mijenja se i glasi:**

Protiv člana čije je ponašanje i djelovanje usmjereno protiv odluka organa SDP BiH ili svojim nečasnim djelima i postupcima krši Statut SDP BiH, programska načela i ciljeve, te tako nanosi štetu SDP BiH može se nakon rasprave na organima izreći odgovarajuća sankcija.

Sankciju izriče odgovarajući organ po vlastitoj inicijativi odnosno na prijedlog za utvrđivanje odgovornosti koji može podnijeti neki od organa istog ili drugog nivoa organiziranja SDP BiH. Ukoliko sankciju izrekne Predsjedništvo organizacije po žalbi člana/ice kome je sankcija izrečena izjašnjava se odbor odgovarajućeg nivoa organizovanja.

Ako odbor potvrdi odluku svog Predsjedništva ona je konačna i stupa na snagu danom donošenja ili protekom roka za žalbu kada žalba nije podnesena, a ako odluka nakon žalbe ne bude potvrđena ne proizvodi pravno djejestvo.

##### **Član 28. mijenja se i glasi:**

Sankcije koje se nakon rasprave iz stava 1 prethodnog člana mogu izreći:

- opomena
- suspenzija sa svih partijskih funkcija
- isključenje iz SDP BiH.

Opomena ili suspenzija se izriču za povrede obaveze iz člana 20. ovog Statuta, kojima je nanesena manja štata SDP BiH, kada se ocijeni da će ta mjera imati pozitivan učinak na daljnje postupke, aktivnosti i djelovanje tog člana u SDP BiH.

Isključenje iz SDP BiH može se izreći članu za teže oblike povreda obaveza iz člana 20. ovog Statuta, kojima je SDP BiH nanesena znatna šteta.

Isključenje se obavezno izriče u slučaju kada je član pravosnažno osuđen za krivična djela organizovanog kriminala, privrednog kriminala i korupcije.

Odluku o opomeni, suspenziji sa funkcija ili odluku o isključenju u pravilu donosi opštinski/gradski odbor, odnosno nadležni odbor za članove viših organa SDP BiH većinom glasova od ukupnog broja članova tog organa.

#### **Član 30. mijenja se i glasi:**

U slučaju kada procijeni da bi odlaganje donošenja odluke o isključenju dovelo do veće štete po SDP BiH, odluku o isključenju može donijeti Predsjedništvo organizacije.

Takvu odluku, bez obzira da li se isključeni član žalio ili nije, mora potvrditi odgovarajući odbor na prvoj narednoj sjednici.

Ukoliko odbor ne potvrdi odluku o isključenju ona ne proizvodi pravno djestvo.

#### **Član 31. mijenja se i glasi:**

Protiv Odluke o opomeni, suspenziji sa svih partijskih funkcija ili isključenja iz SDP BiH član/ica kome je izrečena mjera može izjaviti žalbu Statutarnom odboru SDP BiH u roku od 7 dana od dana dostavljanja odluke.

Statutarni odbor donosi odluku po žalbi u roku od 15 dana od dana dostavljanja žalbe.

Statutarni odbor nakon razmatranja žalbe može istu odbiti i potvrditi odluku ili je uvažiti i odluku vratiti na ponovno odlučivanje.

Prilikom donošenja odluke Statutarni odbor odlučuje samo o eventualnim proceduralnim greškama, a ne može se upuštati u ocjenjivanje odluke u meritumu.

#### **Član 31. briše se.**

#### **Član 32. mijenja se i glasi:**

Ponovni prijem člana SDP BiH koji je brisan iz registra članstva ili je bio isključen iz SDP BiH moguć je uz ispunjenje određenih uvjeta:

- podnošenje zahtjeva za prijem u članstvo organu koji je donio odluku o brisanju iz registra, odnosno isključenju
- za člana koji je brisan, protek 6 mjeseci od dana brisanja
- za isključenog člana, protek roka od jedne godine od dana isključenja
- razmatranje zahtjeva od strane organa kojem je podnesen zahtjev za ponovni prijem u članstvo.

Član/ica koji je isključen iz SDP BiH zbog pravosnažne presude za krivična djela organizovanog kriminala, privrednog kriminala i korupcije, ne može podnijeti zahtjev prije isteka dvije godine od dana kada je završio okončanje kazne, odnosno proteka roka uslovne kazne.

#### **Član 38. mijenja se i glasi:**

U slučaju ukazane potrebe za zaštitu članova/ica SDP BiH može se organizirati sistem zaštite članova/ica u vidu:

- Pravnog savjetovališta
- Fonda solidarnosti SDP BiH.

Odluku o osnivanju i djelokrugu rada Pravnog savjetovališta i Fonda solidarnosti na prijedlog generalnog sekretara, donosi Predsjedništvo SDP BiH.

#### **Član 56. mijenja se i glasi:**

Političke funkcije u SDP BiH su:

- Predsjednik i potpredsjednici
- Generalni sekretar
- Politički direktor
- Predsjednik Glavnog odbora.

#### **Član 59. mijenja se i glasi:**

Dnevni red i prijedlozi dokumenata po dnevnom redu dostavljaju se delegatima najkasnije deset (10) dana prije održavanja Kongresa SDP BiH.

#### **Član 68. stav 2. mijenja se i glasi:**

Glavni odbor SDP BiH čine:

- 65 (alternativa 70 alternativa 75) članica i članova koje bira Kongres SDP BiH vodeći računa o teritorijalnoj, nacionalnoj, socijalnoj, spolnoj i starosnoj zastupljenosti članica i članova SDP BiH
- do 15 kooptiranih članica i članova po odluci Glavnog odbora SDP BiH
- do 15 članica i članova po osnovu odluke Glavnog odbora SDP BiH o povećanju broja članova
- 10 članica i članova Glavnog odbora koji se imenuju u Glavni odbor na konstituirajućoj sjednici na prijedlog Predsjednika SDP BiH
- članice i članovi po funkciji.

#### **Član 69. mijenja se i glasi:**

Svaka kantonalna/regionalna organizacija mora biti zastupljena sa najmanje jednim članom Glavnog odbora.

Nakon toga potreban broj članica i članova Glavnog odbora popunjava se na osnovu liste sačinjene po broju glasova kandidata/kinja na Kongresu uz obavezu ispunjavanja sljedećih kvota:

- da je najmanje 20% članica i članova Glavnog iz reda svakog konstitutivnog naroda
- da je najmanje 5% iz reda Ostalih
- najmanje 30% članova/ica do 35 godina starosti
- najmanje 40% zastupljenosti manje zastupljenog spola
- do 15% članova/ica preko 60 godina starosti i
- 10 % radnika iz neposredne proizvodnje ukoliko postoji mogućnost.

U sastavu Glavnog odbora SDP BiH osiguraće se zastupljenost oba spola u skladu sa Zakonom o ravnopravnosti spolova u BiH i drugim zakonima i propisima u Bosni i Hercegovini sa težnjom ka paritetu u skladu sa programskim političkim opredjeljenjima SDP BiH. Odredbe predhodnog stava ovog člana shodno se primjenjuju na organe svih nivoa organizovanja u SDP BiH.

Glavni odbor SDP BiH odlukom o kandidovanju i izboru članova organa SDP BiH osigurava mehanizme za poštivanje kriterija iz prethodnog stava.

Članovi/ice Glavnog odbora biraju se na period od četiri godine, ili kraće, ukoliko su izabrani na Vanrednom Kongresu ili su kooptirani ili izabrani na osnovu odluke Glavnog odbora o kooptitanju ili povećanju članova/ica Glavnog odbora.

Odredbe ovog člana kad su u pitanju kvote i trajanje mandata odnose se i na odbore svih nivoa organiziranja SDP BiH.

#### **Član 70. mijenja se i glasi:**

U stavu 1. nakon alineje 2 dodaje se alineje 3 koja glasi:

- članovi/ice izvršne vlasti u državi i na nivou entiteta i Brčko Distrikta.

Dosadašnje alineje 3,4 i 5 postaju alineje 4,5 i 6.

Stav 3 i 4 brišu se.

Stavovi 4 i 5 postaju stavovi 3 i 4.

#### **Član 72. mijenja se i glasi:**

U stavu 2 nakon riječi "u pisanoj formi" stavlja se tačka, a ostatak teksta se briše.

Dodaju se novi stav 3 i 4:

U slučaju kada ocijeni nužnim Predsjedništvo SDP BiH može donijeti odluku o raspuštanju organizacija ili interesnih oblika.

Odluka o raspuštanju organizacije daje se na potvrdu Glavnom odboru na njegovoj prvoj narednoj sjednici.

#### **Član 79. stav 1. mijenja se i glasi:**

Sjednice Glavnog odbora SDP BiH održavaju se u pravili jednom u tri mjeseca, a sjednica se može sazvati kad god se za to ukaže potreba.

#### **Član 80. mijenja se i glasi:**

Stav 2 i 3 ovog člana brišu se.

Dodaje se novi stav 2 i 3 koji glase:

Glavni odbor nakon svake sjednice izrađuje interni bilten koji se dostavlja svim organizacijama i organizacionim oblicima SDP BiH da upoznaju članice i članove o aktivnostima Glavnog odbora.

Bilten sadrži izvod iz zapisnika, prisutne i odsutne članice i članove Glavnog odbora, te izvode iz bitnih diskusija.

#### **Član 83. stav 2 mijenja se i glasi:**

Pored Predsjednika SDP BiH, prijedlog kandidata za potpredsjednike, članove Predsjedništva i generalnog sekretara može podnijeti i deset (10) članica i članova Glavnog odbora.

#### **Član 215.se mijenja i dopunjava rečenicom:**

Istom odlukom GOSDP BIH će utvrditi finansijska sredstva za realizaciju programskih političkih opredjeljenja SDP BIH na implementaciji rodne ravnopravnosti i jačanju učešća žena u političkim procesima, a na osnovu plana aktivnosti FOŽ SDP BIH.

